

# 诗

## 白云枯松

落地常思作栋梁，参天久侍古庙旁。  
此生未遂广厦志，静看新苗抽条长。

## 神路行

上上下下无忤愧，行行止止有臬圭。  
踏踏实实行正道，神神鬼鬼奈何谁。

## 元辰殿遐思

同时降下命无数，何缘无数命各殊。  
不是造化多能耐，自加自减自乘除。

## 无题

大隐闹市小隐山，几个成道几成仙。  
借问天下修行者，可曾登上渡人船。

## 望黄河绝壁

黄浪空削摩天壁，如云过客少名题。  
李杜无缘留佳句，孰领风骚踏雪泥。

## 黄河忧

清清澈澈出涧丘，万里奔腾注海流。  
斗水七沙诚可虑，百川纳垢更当忧。

## 忧黄河

峡谷气势今犹在，不见黄河天际雄。  
劝君珍惜点滴水，留于子孙润干唇。

### 索居

果然索居好，散虑任逍遥。  
山水情长在，荣辱忘九霄。  
诗书穷大义，笔墨志懿操。  
有涯终无几，无涯永不凋。

### 自嘲

六十七年老蠹鱼，自幼无缘读古书。  
岁暮方知经籍好，开口羞唱人之初。

### 心愿

我是侏儒慕鸿儒，喜人学成胜自成。  
此身愿化劝学鸟，飞进千家学子心。

### 葭州商城偶得

千年夫子庙，何故变商城。  
杏坛香不再，木铎声绝闻。  
祈盼逢盛世，文光复照临。  
宏谋寄燕翼，梦里续慧根。

### 乐哉

清心识书味，寡欲穷道源。  
此生百无好，六经乐天伦。

### 登葭州通秦寨文笔塔

拾级慢步上高层，自恃极处我为峰。  
俯瞰山矮芦水细，仰观天高河汉深。

莫言秦寨无绛帐，休笑象山少杏林。  
归来曲巷访高士，哲人果在草泽中。

### 白云山寄语

神路岌岌系天门，人流滚滚堪称诚。  
云封玉虚易行道，雾锁瑞芝简能门。  
晨钟难觉名利客，暮鼓不醒醉乡人。  
若想拨开云和雾，潜心去读五千文。

### 葭州童子诵经有感

雨过天晴气象新，木铎声扬铁州城。  
坚冰猝猝化春水，厚土融融续慧根。  
破土新芽寄盛世，抒条老干托邦宁。  
待到秋实累累日，神州处处是席珍。

### 抒怀

学佛学老亦学儒，闻道何吝七尺躯。  
行藏无定存高远，立达有恒宜近图。

### 痛悼牧笛兄

良师益友几十秋，切切磋磋白了头。  
只说相聚寻常事，岂料再逢梦难求。  
痛哉榆阳长吉去，惜乎塞上失少游。  
孤杯遥寄佳城客，翘首奎辰泪长流。

### 元旦抒怀

举城欢乐迎新岁，旧岁悄然不曾辞。  
冷暖如常无异样，候节有序换干支。  
可叹少壮驹隙过，更惜晚霞只片时。  
经籍宝典知多少，书到今生读已迟。

### 枣树赞

不慕枝头艳，唯求枣吊稠。  
厚土培根远，高风养正道。  
冷眼棚中桂，低瞧架上榴。  
浩气盈天地，丹珠遍万丘。

### 登镇北台

和风阵阵上边城，塞草连天柳色新。  
堞口犹凝英雄气，疆场尚聚壮士鳞。  
大地霜来千枝谢，长峡冬去万木春。  
历历鸿迹有深浅，殊荣莫过治沙人。

### 春日观红石峡

春回大地万机发，倒映白杨隔岸花。  
墨志清石铭大义，情留厚土寄摩崖。  
长河后浪赶前浪，大漠新荏换旧荏。  
边陲自古多浩气，荡满山川溢满峡。

### 应士明君之邀为曹氏家谱咏题

华裔万派竞增荣，塞上曹门代盛兴。  
家乘单述同贯祖，族谱只溯共条宗。  
分多润寡从天道，扶老携幼继古风。  
睦里和乡德乃厚，三江四海遍亲情。

### 丁亥九月九登白云观

忽讶白云近，神宫万树环。

举目赏古刹，意外见秋山。  
客欲吟葭枣，人疑问吉签。  
赵公香火旺，玉凤乏纸钱。  
牛氏德泽厚，何缘少兰衫。  
昂头红树外，大雁正南迁。  
声过入谁耳，心静不留斑。  
诗泉涌佳句，携伴好登攀。

### 题香炉寺

遥揽香炉寺，凌空插柱天。  
浪起大山动，风静小桥悬。  
河流黄不见，山色碧相连。  
骚人恨才尽，画手惜瞬间。  
古贤寄傲处，孰人再慕先？  
宏钟送远客，孤灯伴老禅。  
夜来归城去，提笔诵诗泉。

### 老榆

高山顶上落钱榆，雪打霜凌枝叶疏。  
地冻三尺犹存性，风摇四季尚持初。  
平心阅尽苍桑事，素志曲成岁轮图。  
不盼陈条抽劲穗，惟期后俊茂荣躯。

### 谒黄陵

#### (一)

白须皓首谒黄陵，步履珊珊殿后登。  
祭祖来迟思有愧，寻根未果恨无能。  
连结坠绪心宜定，救起遗豪志要恒。  
荐血何分年老少，登堂照样作交承。

#### (二)

郁郁桥山紫气凝，渊渊沮水潦雾蒸。

人文始祖居其上，代代华人竞嗣承。

### 2010年除夕短讯

忽忽时交候令促，  
悠悠岁替年轮欢。  
千言万语唯一望，  
但愿同修闻道先。

### 2011年元旦偶得二首

#### 其一

好鸟林中有，达人世上稀。  
要知韦编义，去访孔仲尼。

#### 其二

年逾七旬倒计时，登堂犹恨径难知。  
何期入室闻文道，少壮无缘老已迟。

### 观黄河有感

#### 其一

日见黄河逐日瘦，时闻车驾兢时肥。  
资源殆尽有谁惧？后辈子孙望月悲。

#### 其二

不废江河万古流，谎言一句几度秋。  
何故惊涛永不在，浓烟深锁夏时候。

### 读王冕白梅诗有感

霜戮千枝根系在，雨泽万类应时新。  
莫言梅苑香乾坤，桃李无花不算春。

# 联

为石不忘补天志  
是水常怀润地情

立言必珍一点墨  
行道何吝七尺躯

林深自有棲凤树  
水阔安无纵壑鱼

井蛙难晓江海阔  
春蛹不知雪冰寒

书读不到精髓处  
翰染难达性灵区

如璧无瑕同日光同月光同星光光照大漠  
牧笛有韵似天籁似人籁似地籁绕长河 (挽牧笛联)

为文崇载道字里行间有正气

会友贵明德人前面后无虚情（挽牧笛联）

上世为善犹嫌晚

今生读书已恨迟

一池烟波比西子

十里翠嶂似陶庄（题翠云山庄）

赏月赏风赏古韵

乐山乐水乐时髦（题翠云山庄）

融入天融入地融入大众心包天地

忘了利忘了名忘了小我爱满世间（自勉）

老子谓言者不知偏偏自己留下《道德》五千言不知者乎知之者也

孔子曰吾欲无言恰恰门人记录《论语》二十篇无言也与言矣也与

虎岩生岚气

幽洞溢道光（题云岩寺）

黄河大峡谷天工大写意

古寺小香炉巧匠小微雕（题香炉寺）

铁城悬峭壁

古寨蕴华章（题古葭州城）

墨留红峡铭大义

血染黄沙写春秋（题红石峡）



城头尚有英雄气

堞口犹存壮士魂（题镇北台）

千巷争艳无俗气

六楼斗芳有雅风（题榆林步行街）

花开花落诚无意

人喜人悲自多情

仗风柳絮为狂客

凭雪梅花作喜神

峡赖大河聚仙气

水因深谷凝圣灵

草枯根尚在

花落性犹存

寒来存浩气

暑至养怡神

量雅能容海

德厚可托山

溪臭难逢垂钓客

地荒不见把锄翁

孔子铜像落成大门联：

读通一部典籍方宜教子

养正几行桃李自可芳邻

教室门联：

研究古典须究底

养育新苗应育根

赠山西侯克捷联：

还古貌有钱岂无术

致良知无圣安有方